

琯

玉

集

瑯玉集卷第十一

聰慧

壯力

鑒識

感應

聰慧篇第一

昔張安三篋應奉五行蔡琰二絃楊循八  
字顏回十悟子貢兩知方朔萬言他人一覽  
王充寄目仲宣背碑黃垓月初晉明日近  
師曠通樂季札知音路婦隨機鄧忌卿曾  
陸續經記祢衡不思趙峻紙飛元瑜筆  
張安姓張字安世前漢杜陵人也武帝

三篋安世曾誦其文心猶記之遂閣寫以  
帝之疑謂之不真後募得本書共相比校  
一字不悞昭帝時封安世為富春侯也出前  
漢書

應奉字世叔後漢汝南之潁人也讀書五行  
俱下奉至汝潁見素賀於門中出其半面  
後十餘年在路見賀而識之又奉仕郡為決曹  
吏錄囚數百人奉口誦名字罪之輕重無有遺  
脫太守奇之舉孝廉遷會稽太守也出後漢書

蔡琰字文姬後漢陳留人也年始九歲其父邕  
夜鼓琴絃絕琰曰第二絃邕更斷一絃而問  
之對曰第四絃邕謂曰汝偶得之耳對曰昔呈  
札觀化知興亡之國師曠吹律南風不覺以  
此推之何足可恠也蔡琰別傳

楊脩字德祖魏初和農華陰人也為曹操主  
簿曹公至江南讀曹娥碑文背上別有八字  
其辭云黃絹幼婦外孫蒜曰曹公見之不解  
而謂德祖卿知之不德祖曰知之曹公曰卿且

勿言待我思之行卅里曹公始得令祖先說  
祖曰黃絹色絲絕字也幼婦少女妙字也外  
孫女子好字也蒜曰受辛辨字也謂絕妙  
好辨曹公嘆曰實如孤意俗士有智無智  
隔卅里此之謂也出語林

顏回字子淵周時魯人也為孔丘弟子孔子  
曰吾與回言終日無違如愚故子貢曰顏回問  
一而知十賜也問一而知二賜也何敢望回顏  
回問一以知十者問君子教道之法子曰道也

顏回即解之道者道也父以慈道子以孝  
道父夫以和道妻以柔道夫兄以友道弟  
以恭道兄君以明道臣以忠道君友  
以信道己以仁道友此所謂十也出論語疏  
子貢姓端木名賜周時魯人也為孔丘弟子  
孔子為說貧而樂道子貢即答以切瑣琢磨  
孔子曰賜也始可與言詩已矣告諸往而知  
者來故子貢問一以知二也出論語

方朔姓東方名朔字曼倩前漢年原獻次人

也年十三學書三冬文史足用十五學擊劍  
武用過人十六學詩書誦廿二万言十九學絲  
吳兵法戰陣之具鉦鼓之教亦誦廿二万言也  
出前漢書

他人姓羅名友字他仁晉時相陽人也從桓宣  
武平蜀案行蜀城關觀內外屋宇街巷  
廣狹園苑殖種菓竹多少皆默記之後宣  
武溧州與簡文集友亦与為宣武論說蜀中  
諸事多有遺忘友皆條列無有錯漏宣武驗

以蜀城闕薄皆如其言坐者無不歎服友位至  
廣州刺史也出晉抄

王充字仲任後漢會稽上虞人也家貧無書  
常遊洛陽市閱所賣書一見誦憶並即不忘  
遂通百家之言著論衡十五篇皆行於世  
充仕至治中也出後漢書

仲宣姓王名粲字仲宣魏時山陽高平人也少  
時與人共行讀道傍碑文一遍即皆誦得不  
失一字又能覆摹局比较不差一道也出魏書



黃琬字季琬後漢江夏安陸人也祖文瓊為魏郡太守曾日食而瓊以狀聞察太后詔問所食多少瓊思其對未知所說時琬年六七歲在傍曰何不言日食之餘似月生之初瓊大驚即以其言應詔瓊後為司空琬以公孫拜為童子郎琬病不就由此知名京師琬後位至太尉也出後漢書

晉明元帝之子明帝也年始數歲甚大聰辯時有人從長安來帝問洛下消息元帝因問

明帝曰日近長安近明帝曰長安近元帝曰  
何以知之對曰山間人從長安來不見從日邊來  
是以知長安近元帝異之至後日帝會群臣  
復問之荅曰日近帝曰汝昨日言長安近今日  
乃言日近何也對曰舉頭即見於日矐目不  
見長安以是故知日近也出晉抄

師曠周時晉國人也衛靈公之時將至晉到於  
濮水之上舍止夜半忽聞琴聲甚美乃令師  
涓寫之及至晉靈公令師涓為晉平公奏之師

曠曰心之此亡國之聲也平公曰何世出焉曠曰  
師延所作也與紂為靡之二樂武王伐紂師延  
東走投濊水之中聞此聲者必於濊水之上也  
先聞此聲者國削平公不納令奏之終於後  
晉國大旱三年也出太史公記

季札周時吳國壽夢之子嘗聘於魯請觀四  
代之樂及採諸國之音皆知當來盛衰之分  
但文多不錄耳出春秋

路婦不知何處人也孔子遊行見之頭戴烏牙

櫛謂諸弟子曰誰能得之顏淵曰回能得之即  
往至婦人前跪而曰吾有能佃之山百草生其  
上有枝而無葉方斲集其裏有飲而無食故  
從夫人借羅網而捕之婦人即取櫛与之顏  
淵曰夫人不問由委乃取櫛与回何也婦人答  
曰能佃之山者是君頭也百草生其上有枝  
而無葉者是君髮也方斲集其裏者是君  
虱也借網捕之者是吾櫛也以故取櫛与君  
何恠之有顏淵嘿然而退孔子聞之曰婦人

人之智尚尔况於學士者乎出古傳

郭已心六國時齊人也初得為相溥于既見之  
曰得命者昌失命者亡忘曰謹受命矣請無  
出鄙辭既曰務膏棘軸所以為滑不能運  
方穿忘曰謹受命矣請謹事左右既曰弓  
膠昔斡所以為勢而不能傳合踈乎忘曰謹  
受命矣請謹附万民既曰狐裘雖破不可補  
以黃犬之皮忘曰謹受命矣請擇君子無  
雜小人既曰大車無輅不能載常任琴瑟無

軒不能成五音忌日謹受命矣謹脩法律而督  
盜吏既訖既畢趨出至門謹其僕曰是人者吾  
語之微言五答我如響之應聲是人封不久  
矣居未暮年果封侯也出春秋後語

陸續後漢人也時為郡吏值歲飢儉太守作  
粥令續賦於民庶事既畢了合有六百餘  
人而續一覽皆記姓名也出後漢書

祢衡後漢人也本性聰慧甚有文才作鸚  
鵡賦提筆即成不加治點曾誦碑文一遍

即得不忘出後漢書

趙峻後漢人也志性聰敏又能屬文所制才藻  
落紙如飛下筆即成都不尋覆也出後  
漢書

元瑜姓阮名瑀字元瑜魏時陳留尉氏人  
也而事曹操時韓遂據隴集衆起謀曹  
操時因出行使瑜馬上作書欲與韓遂瑜  
馬上具草頓筆即成以示曹公之素筆欲  
改之卒無下筆之暇也出魏志

壯力篇第二

昔共工崩山折柱殿紂索鐵舒鈞典聿持  
戟百斤石番負沙千畝朱衣逞權猛帝許褚  
倒曳大牛項藉吐吒憚軍秦武力能扛鼎弄  
彎強弩射曰憂乃陸地亭舟五丁拔鱗山  
崩類考挾轉出走

共工神農時諸侯也而與神農爭定天下共  
工大怒以頭觸不周山之崩天柱折地維絕故  
天傾西北隅地缺東南角又女媧鍊五石以補



天缺也出淮南子

殷紂殷王也姓子字受名太乙力能索鐵舒  
鈎撫樑易柱步提猛獸手接飛鳥也出太史公記  
典華魏時陳留己吾人也事曹公為帳下司馬  
手持霍戟勇冠三軍時人語曰帳下壯士有  
典華君霍持大戟一百斤出魏志

石番周時衛人也為人甚壯無有匹敵能負  
沙一千六百斛出張華博物志余疑千當為十  
百當是剗後人寫誤耳

朱亥六國時大梁人也時信陵君取侯嬴謀  
矯奮晉鄙兵衆晉鄙疑之不與朱亥時從信  
陵乃袖卅斤鐵錘以斂晉鄙又秦生遣使至  
魏令召信陵君信陵不往乃遣朱亥奉璧往  
謝秦之王王大怒即使擲瓦於席園中令席  
食之朱亥一吼髮豎衝冠髮燃目裂群席見  
之伏不敢動秦王大驚遂厚禮而遣之也出太史公記  
許褚魏時潁川許人也而事曹操有力如席  
時人号為疾風褚曾為將與賊相對朱戰

之間賊出米與褚易牛褚捉牛尾送曳與賊  
之見畏之不敢出戰時扶風馬超據關魏武  
曾與超各單馬交語魏武唯將褚一人自副馬  
超自負其力欲突提魏武許褚怒目眦之馬超  
竟不敢動也出魏志

項籍字羽秦時楚人也為人壯健力能扛鼎與  
漢高爭定天下項羽一呼漢兵却僻數里漢有  
善射者名曰婁煩既將交戰挽弓欲射項羽  
項羽怒目吐之婁煩手不能發目不能視漢

高聞之不敢出璧也出前漢書

秦武六國時秦武王也而王壯力多好有力之人  
時齊人孟賁及任鄙為獲之徒皆往歸為  
秦王與之舉鼎兩目出絕髓而死孟賁能  
生拔牛角出帝王記

梁鶴妻孟氏名先字德耀力能舉大石曰也  
出後漢書

羿彎夏時有窮之國君也為人多力又能  
善射彎於彊弩射日而落也出淮南子

夏乃夏時多力人也能於陸地牽大舟而行系  
拔大樹推倒城墻時人無有敬者也出淮南子  
五丁秦時力士也始皇欲伐蜀但以道峻不通  
乃作石牛置於界道遺金於石牛上而進入蜀  
又獻蜀美女時有一丈鱗虵從山腹而入穴五女  
往就觀之五丁力士遂共拔虵山崩壓斃五  
女因名其山曰五婦山也秦王遣兵隨石牛  
後伐蜀遂即滅之也出楊雄蜀王本記

類考周時鄭國人類考叔也從鄭伯伐許投兵

於太宮公孫闕與類考叔爭車類考叔扶軒  
以走公孫闕拔戟逐之不及也出春秋

鑒識篇第三

昔顏回生別孔子重夏管輅四危趙鞅三逐  
師曠駁馬劉向右人董仲老狸張華童子

顏回字子荆魯人也孔子在衛昧旦晨興顏  
回侍側聞夾者之聲甚哀子曰回知此夾者  
何為對曰此夾之聲非但為死又為生離也  
子曰何以知之對曰回聞桓山之鳥生四子焉

羽翼既成將分四海其母悲而送之哀聲有  
似於此為其往而不返故悲切耳回以此類知  
之也孔子使人往問果去父死家貧賣子  
以養之也出孔子家語

孔子姓孔名丘字仲尼周時魯人也時楚昭王  
渡江有物形如升大直觸王舟之人取得昭  
王恠之使之問於孔之子之答曰此是萍實  
剖而食之唯霸者獲之此吉祥也又齊有飛  
鳥一足來下止于殿前舒翅而趾齊侯恠之

使問孔子孔子答曰此鳥名為高羊急告  
万民速治濬渠天將大雨也俄尔即雨諸國  
皆水齊獨以安備備故也時諸弟子請問孔  
子子曰異時小兒謠曰楚王渡江得萍實  
大如拳赤如日割而食之甜如蜜此楚之應  
也又有小兒兩々相孿屈一足而跳天將大雨  
高羊起舞今齊獲之亦其應也夫謠之後  
未常不有應隨者也故聖人非獨守道而已  
必覩物而記之即得其應矣出說苑又錄



桓子穿井獲如缶者其中而有羊為使問於  
孔子曰吾穿井得猶何也孔子對曰以上所聞  
羊也上聞之木石之性憂螟螣水之性龍罔  
象土之性墳羊也使者曰寶如夫子之言矣  
又吳伐越陳會稽得大骨一節專車使之來  
問孔子曰何骨為大孔子曰上聞之昔禹致  
群神於會稽之山後至禹斂而葬之其  
骨節專車此為大矣使曰善哉又孔子適齊  
中路哭者之聲其音甚哀孔子謂慄者曰

此矣衰則衰矣然非墮矣也馳而前進見  
有人為擁銀帶索矣音不襄孔子下車而問  
之曰子何者也曰吾上子也曰今子非衰之所  
何矣之悲也對曰吾有三失晚而自覺悔  
之而矣孔子曰顏聞之吾上子曰吾少好學  
周遍天下後吾親亡是吾一失長事齊君  
驕奢失士臣節不遂是二失平生交交自  
今皆絕是吾三失孔子曰樹欲靜風不止子  
欲養親之不待往而不來者羊也不可再見者

親也吾丘子田請從此辟乎遂投水而死也出  
孔子家語又孔子適齊過至太山間有婦人  
哭於野而衰夫子或而聽之曰此一似重有憂  
者使子貢往問之婦人曰昔者吾舅死於席  
吾夫又死於席今吾子又死為子貢曰何  
不去乎婦人曰無荷政是以不去子貢告以  
孔子之曰小子識之荷政猛於席也出禮記  
管輅字公明晉時人也嘗過毋丘氏墓因倚  
樹象吟曰林木雖茂無形可久文誅雖美

無後可守玄武無頭倉龍無足白帛銜尸  
朱雀悲哭四危已備法當滅族不過三載  
其應至矣後母上儉果反而滅族也出晉書  
趙鞅周時晉國卿也楊回者不知何許人請  
見趙鞅曰臣居鄉三逐事君五去聞君好士  
故來見之趙鞅既聞輟食而起欲出見之左右  
進曰居鄉三逐是不容衆也事君五去是不  
忠上也其過八矣君欲見之何也趙鞅曰汝不  
知之夫美女者醜婦之所仇也威德者亂世之

所踈也。正直者耶枉之所憎也。遂出見之。因校為相而國大治也。出晉杪。

師曠周時晉人也。時晉平公出田，見於乳。乳，虎也。伏而不動。平公還，返謂師曠曰：「吾聞之也。霸王之主，猛獸見而則伏。今者，實人出見乳，虎伏而不動，此其猛獸乎？」師曠曰：「鵲食糗，之食鷄，之鷄，之食豹，之食駮，之食虎，夫駮之狀有似馬。今者，吾君之出，必駮駮馬而田乎？」平公曰：「然。」師曠曰：「臣聞之一自誣者辱。」

三自誣者死今帑不動者為駿馬之故非主  
君之德義也而君奈何一自誣乎平公異曰  
出朝有鳥旋公不去公朝還返謂師曠曰吾  
聞之也霸王之主風鳥下之今者出朝有  
鳥旋於廩人終朝不去是其風乎師曠曰  
東方有鳥其名諫珂其為鳥也文身朱足  
憎鳥愛狐今者吾必衣狐裘以出朝乎平  
公曰然師曠曰臣嘗言之侯一自誣者死今鳥  
下旋乃為狐裘之故非吾君之德義也君

奈何無自誣乎平公不悅異曰置酒而召  
師曠使郎中馬章先布蒺藜於階陛上  
師曠既至履而上堂平公曰安有人臣履上人  
主堂乎師曠解履刺之及刺膝宛轉於地  
仰天而歎公起承之曰今者與叟戲耳對  
曰突自生虫還自食也木自生蠹還自刻  
也人自興城還自賊也五刑之具不當生難  
辨主堂廟不當生於蒺藜公曰奈何曠曰  
城以在前無可奈何不盈數日平公果死也出

晉抄

劉向字子政漢高祖從父兄楚元王劉交之後  
世漢宣帝時開輸屬山之巖石善下得二人身  
被桎梏將至長安變為石人宣帝見之大  
驚廣集群臣多古方士問其所由皆無知者唯  
向對曰此人是黃帝時誥窾國臣犯於大迷  
黃帝不忍誅之乃枷械其身置輸屬山幽在  
微谷之下若值明王聖主當得出外宣帝不信  
以向言疑執向下獄向子歆字子駿自出應募



古須七歲女子以乳之石人當變帝如其言  
令女子乳之即變為人便能言語帝問其狀  
皆如向父子之言宣帝大悅拜向為太中大夫  
歆為宗正又王莽即位歆為國師歆讀孔子秘  
記知光武中興姓劉名秀遂改名為秀字類  
叔異當其運歆王莽時病死及光武中興  
名秀守文叔與歆年幾正和當也出類林  
董仲姓董字仲舒前漢廣川人也居室讀  
書忽有一客來見仲舒客曰天將欲雨舒荅

曰巢居知風穴，覆知雨，鄉非狐狸，則是其甥舅。  
耳密聞此語，色動形戰，即化為老狸而走也。出前  
漢書。

張華字茂先，晉時范陽人也。晉惠帝時為司空，  
空燕照王墓前，有一斑狸，能為幻化。墓有華  
表，亦知未然之事。狸謂華表曰：「視我之皂，  
可得見晉帝未華表。」荅曰：「視子之皂，妙解無  
窮。」然張司空智度，恐難籠絡，子未湏去。狐狸  
不聽。華表曰：「子今若去，非但曾子千年之姿，亦當

深悞老鄙執狸遂變作一書生可十六七許童顏  
恣疑往見張華之見其恣角容姿潔白舉  
趨鏘視眴分明言談辯捷高略三史深貫百  
家蘊積三才苞含十聖兼達五禮洞曉八儒  
談莊老之妙玄釋真如之絕旨張華於是愕然  
莫知所問乃歎曰天下豈有如此年少也若非鬼  
魅當是執狸書生又曰明公當尊賢容衆  
嘉善而矜不能奈何憎人學乎言竟而退華  
已使人守門書生既不得出又謂華曰門置甲

兵人設蒲錡當是有疑於僕也僕亦聽公所疑將  
恐才辯之人卷舌而不談智謀之士望門而却走  
深為公惜之華終不聽而更使防御甚急時有  
豐城令雷孔章謂華曰若是鬼魅狐狸可試  
之以猶華曰猶者唯知百年事此乃千歲精  
不復可別唯有千年枯木照之則形見矣燕昭  
王墓前華表似應千年乃遣往伐使人既至華  
表歎曰老狸不自知果悟我也既斫華表於樹  
空中得一青衣小兒長二尺餘將送未至洛陽

變成枯木燃之以照書生乃是大斑狸遂即斂之也張華歎曰此之二物若不值我復經千年則不復可得矣又晉惠帝時有一鳥毛墮地長一尺餘帝以問華曰此是海鳥毛此毛落者天下當土崩凡解及惠帝崩懷帝立劉石等作亂石勒逼於洛陽懷帝南遷至愍帝立長安陷於胡賊天下果大亂也出晉抄

#### 感應篇第四

昔漢武河浮寶鼎夏禹天賜玄珪曹娥沒水獲

公翁首倫投機得弟王霸應機水結郢街盛  
夏霜垂劉昆叩項除風梁輔焚身得澤耿恭  
枯泉重出齊人落日再中病已朽木更花曰真死  
荆選茂王况蝗虫出塲亦均暴虎渡河益常  
珠乃還荆韓稜雷便雜境士衡雙鶴來吊李  
善兩乳存孤信陵鷄伏罪愆蘇武鴈通文字  
伯夷乳生麻腹燕丹角出馬頭杞良妻泣崩城  
江閔鵠悲墳壑敬伯感靈三女盧充鬼婦貽  
兒酸點三女浮珠周雙夫妻獲寶

漢武即漢武帝也帝時遊於洛水乃得寶鼎  
於水上因作寶鼎之歌也出前漢書

夏禹姓姁字文命為堯司空治水有功天賜  
玄珪又至河邊遊觀見一長人白面從水出曰吾  
河精也遂教禹治水方法又禹曾渡江有黃龍  
忽來負舟禹曰吾勑力為百姓除災龍何為  
也乃拔劍欲斫龍即掉尾而去也出太史公記  
曹娥後漢會稽女也其父沒江而死屍壘不獲  
曹娥乃緣江踰哭七日七夜不絕聲音娥遂投

江覓父逢由三日乃把父屍俱出皆死水畔家  
人因叔至烏時人為之立碑於江上碑今見在  
也出後漢書

荀倫晉時河內人也為東郡太守倫弟儒北  
省舅氏乘凍蹶虛目即沒命盟津求屍三  
日不得倫乃脩棧投身河伯逢由一宿弟屍乃  
抱棧而出也出類林

王霸字元伯後漢人也光武初起時被賊逐欲  
將軍衆渡河既無船棧人皆憂懼光武乃令王



霸往者霸還恐衆驚怖即詐言河水可過  
及軍至河之冰應合遂得渡軍光武喜曰王  
霸權以濟事乃感天瑞也出後漢書

鄆衍六國時燕人也盡忠而事惠王左右嫉妬  
數讒於王之遂信受而欲誅之鄆衍仰天呼  
歎盛夏五月天為降霜也出類林

劉昆字桓公後漢陳留東昏人也為江陵令民  
有大災者昆輒向火叩頭火即滅風而滅  
也出後漢書

梁輔後漢人也當為郡吏時夏大旱輔欲告  
天乞雨身坐庭前在傍多積薪柴乃誓曰  
至日中不雨即自燒身未及日中天忽大  
雨也出後漢抄一云魯僖公亦自焚得雨梁  
輔同也

耿恭後漢人也為將往征兜奴得疏勒城即  
往守之復為賊圍城中井崩無水軍人飢  
渴恭著衣冠向井再拜求請少時泉水  
涌出也出後漢抄

齊人不知其姓名也昔齊伐衛會兵魯陽  
山上令曰日中不到者斬齊人與父母妻子  
別赴者乃少恚令斬之令死之徒仰天哭曰自  
今以後父母妻子不可眷戀天乃感之曰為  
再中也出同賢記

病已漢宣帝小時字也後改名詢字次卿時  
上林苑有太柳樹先斲卧地一朝起立諸樹  
枯者皆生枝條花葉由有食其葉成文字  
曰公孫病已立時昭帝朔邑昌王嗣位在亂

失道時公孫病已為其祖衛太子巫蠱事  
被拘後被詔令在夜庭年始十八霍光乃廢昌  
邑王而迎病已為嗣立為宣帝也出前漢書

田真前漢京地人也兄弟三人二親並沒共議  
分居家之資產分之恚訖唯有庭前三株紫  
荊華葉茂真兄弟等議欲分之明曰即  
伐斫其荊迺宿花葉枯萎根基摧頽真曰  
惟乃鋸而往見之大驚謂諸弟曰樹木無情  
尚惡分別况人兄弟乳懷何可離哉是之不

如樹木也。因對悲泣不復解樹。即應聲  
青華如故。兄弟相感便合財產。遂成純孝  
之門也。出前漢書。

王况字文伯。後漢京兆杜陵人也。為陳留太守。  
善政無偏慈。養民庶隣。郡有蝗。大傷田苗。至  
陳留。堞即飛過木下也。出後漢抄。

亦均字叔庠。後漢南陽安衆人也。為九江太  
守。郡縣多有虎暴。及均至。郡虎皆相將  
渡江而去也。出後漢書。

孟常字伯周後漢會稽虞人也為合浦太守郡無稼唯以珠璣為業已前郡守貪利無厭恒自採取不與民目珠乃移往交趾百姓同之飢乏孟常至郡政教以道珠復奔歸民得採用還皆富足也出後漢書

韓稜字伯歸後漢潁川舞陽人也為下邳令甚有仁敏政不偏頗隣縣皆雷傷苗稼獨不入下邳縣堺出後漢書

士衡姓陶名侃字士行晉時丹陽人也為

州郡守而侶後丁母艱送靈至墓時有二客  
來弔不哭而退衣服鮮潔儀容庠序侶疑非人  
遣隨者之但見雙鶴飛冲而去也出晉抄

李善南陽人也本是李父家奴李父合家死亡  
蕩盡唯有生子始數月李善抱懷不捨晝  
夜應隣乞乳得濟朝夕時既經久隣里厭之  
不肯与乳兒遂損瘦命在須臾李善感結  
悲不自勝踣泣呼天求哀請救天感其志兩  
乳汁流吮得乳飲遂便得活年既長大李

善拜為曹王朝夕參奉不失時節郡縣奏  
聞遂達天聽上感其教賜善姓李表之  
朝野選堂邑令孝行之至四海流名故  
孔子曰可以託六尺之孤此之謂也出孝子傳

信陵六國時魏公子姓畢字無忌号信陵君  
也信陵時在靖室讀書忽有一雀飛來案  
下喘息戰懼漸逼人君乃捉出願塗無鳥  
遂擲放之忽有一鷄從屋樑出即稍將去君  
恐歎曰我一放雀不免其患誰忍愈乎乃



勅國內遍捕鷹鷂經由三月收獲數千君  
樓劔曰汝鷹鷂等不悉負吾但檢我雀者  
伍頭莫動無罪之輩還歸所居於即普解  
餘者並奮翼而去唯有一鷂伍頭不動須臾  
乃自死也出賢同託

蘇武前漢人也為將北伐亮奴乃為亮奴所  
執亮奴重之用為上相以公主配之武終不  
就乃就武頭於陰山下役作二年形體損瘦  
纔有餘命又往追武更檢前職武亦不就亮

奴大怒閉獄餓之值天雨雪武以羊毛裹雪  
吞之逕由九日不死究奴恠之与食令活更  
梗前任武終不就乃謂武曰上相不就求死  
何為武曰梗妻為相理為不仁妻身受死願  
作忠臣又使武牧羊於北海逕有餘羊武乃  
仰天歎曰北來之鷹南往之鳥有過我故鄉者  
也天感其意二鷹落於石穴武作書繼鷹類  
飛至長安漢帝殿逕帝讀其書始知蘇武不  
死遣使持人賫金讀之其使亦達武已走還

也出前漢書

伯夷殷時遼東孤竹君之子也與弟叔齊俱讓其位而歸於國見武王伐紂以為不義遂隱於首陽之山不食周粟以薇菜為糧時有王糜子往難之曰雖不食我周粟而食我周木何也伯夷兄弟遂絕食七日天遣白鹿乳之逕由數日叔齊腹中私曰得此鹿完噉之豈不快哉於是鹿知其心不復來下伯夷兄弟俱餓死也出烈士傳

燕丹六國時燕太子也而質於秦之王遇之無  
禮丹乃求歸秦王曰烏頭白馬生角當聽  
子歸太子仰天而歎烏為頭白馬為生角  
秦王大驚始遣丹歸丹乃募得荊軻以刺  
秦王不達秦王大興兵衆遂滅燕國竟致  
燕丹也出燕太子傳

杞良周時齊人也莊公襲莒杞良戰死其妻  
收良屍歸莊公於路予之良妻對曰若良  
有罪而死妻子俱被檢設如其無罪自有

廬室如何在道而受予乎遂不受帛在公  
愧之而退出春秋

一去祀良秦始皇時北築長城避苦逃走因入  
孟超後園樹上超女仲姿浴於池中仰見祀良  
而喚之問曰君是何人因何在此對曰吾姓  
祀名良是燕人也但以從役而築長城不  
堪辛苦遂逃於此仲姿曰請為君妻良曰  
娘子生於長者霞在深宮容自艷觀為為  
後人之近仲姿曰女人之體不得再見丈夫君

勿鮮也遂以狀陳父而父許之夫婦禮畢良  
往作所主曲怒其逃走乃打斃之并築城內  
起不知死遣僕欲往代之聞良已死并築  
城中仲姿既知悲哽而往向城踰哭其城當  
面一時崩倒死人白骨交橫莫知孰是仲姿乃  
刺指血以滴白骨去若是祀良骨者血可流  
入即漉血果至良散血任流入使將歸奔之  
也出同賢記二說不同不知孰是

江閔前漢景帝之長子也初立為皇太子

後廢為臨江王更立膠東王徽為太子閔王至  
國二年坐侵廟地被徵還京臨羨上路車軸  
輒折江凌父老泣曰吾王不復返也王到長  
庭尉許王之恐自斂垂於藍田有鸛數万  
悲鳴銜土墳塚也出前漢書

敬伯姓王晉末會稽餘姚人也曾舟中渚水  
亭而宿是夜朗清輝輕風羨敬伯乃撫琴  
靜調聊以自娛時劉惠鄉下郡亦維舟停  
泊惠鄉亡女之柩在於船上既聞敬伯琴

聲愛慈無已乃將從婢兩人往就敬伯如  
生不異相和為歌盡情眷悅申意意夕  
始乃分離也出續齊諧記

盧充後漢范陽人也家西卅里有崔少府  
墓充先冬一日出家西獵時見一麀舉弓  
射之即中充遂不覺漸遠忽見一門有如  
府舍充往問曰此何官府門人荅曰崔少府  
家也充曰我衣弊惡不可進見少府須臾有  
人提一襟衣与充之著盡皆可體於即進



見少府具展姓名少府賜坐為設酒饗少  
府乃曰近得尊府君書為君索吾小女故  
相迎可免起讓讓少府出書示之亮父亡  
時雖小然已識手迹見便歔歔不敢有違  
少府即令女莊嚴使亮往就於是男女相  
拜而交禮焉三日既畢還見少之府曰君  
可歸家女若生男當以相還生女當女自  
留養勅外嚴駕送客并贈衣一襲被褥  
一副少府送出至門離別之感無異出人死

更上未去如電逝須臾之頃忽即至家之見  
之間知委曲相對悲泣推問少府乃是亡人  
所見屋宅並皆墳墓後迺四年至三月三日  
充臨水戲水中見二犢車乍沉乍浮須臾之間  
即便上岸充往車後見崔氏女與一乳兒  
共載充見欣然欲捉其手女指後車曰府君  
之乳兒即迴視便見少府趨往問評脩女知  
禮女因抱兒還充又與金鏡結念并贈詩  
一首分別既訖忽然不見二車充將兒還四

謂是鬼魅。愈遙唾之。而此小兒形自如  
之。誰是汝父。既遂。就充衆人。初雖恠惡  
其詩。始歎死生之主。通人鬼之合禮。後  
小賣鏡。其有識者。時有一婢。問充得  
鏡。所由還報。其大家。大家即女姨也。不信。婢  
言遣兒視之。之之果是姨姊之鏡。便謂充  
曰。我姨姊。崔少府之女。未嫁而亡。家親痛之  
曾一。在鏡着其棺中。今視。鄉鏡甚似。得鏡  
未可得聞。不充具說。由狀一。皆同。

言亮家迎兒二有崔氏狀又似亮皇嬖曰  
我甥三月未產父曰春暖温子願佳強矣  
即字温佳温佳蓋幽婚也其北彰矣兒  
是茂長乃為令器歷數郡守其子殖子毓歷  
魏司空冠蓋相承至今不絕也出世說

然皇帝時人也家著五曜神珠而歐無  
下有二女各嫁諸侯為妻歐默得病  
然語左右曰可投五曜於南海中吾死之  
吾女若來可以語之及歐死沒三女奔壘

因問神珠左右答曰已投南海也三女於是俱往海邊向海踰位五曜神珠為之浮出得之也出

周時人也家貧夫妻恒田中夜鋤天而憐之謂司命曰可賜之以富司命人運當於貧今有張車子財獲以借之可數年耳周孿於是日之致富遂十餘年孿持徙居遷貨宿於路衢夜中有同婦女於車間產子其夫謂妻曰可

子鑠即問其姓客云姓  
自是日之漸有一年之間  
如大也出搜神記

周玉集卷第十三

紙二十九張寫天平十九年歲在丁亥秋七月日

珞玉集卷第十四

美人醜人肥人瘦人嗜酒別味祥瑞恠異

美人篇第一

昔妹嬉滅夏妲己喪殷褒姒覆邦夏姪亂國黃  
公譏女陰后感夫西施絕倫王昭趙飛莫妻竊齒  
飛鸞織霄馮貴應靈李夫見景江充獨麗  
潘岳雙珠衛玠璧人太初玉樹何疑粉韓壽  
驚香叔夜寶山柱和點漆

妹嬉夏王孫之后也為人美艷夏桀航之荒姓

無度妹嬉好間裂繒之聲。蔡每積繒，恒使人裂之，以順其意。專酒嗜色，好為爛漫之戲。殷湯介時為夏，臣數進忠諫。蔡以為嫉言，乃囚湯於夏。當後復致之，關龍逢又數諫。蔡之乃誅之，後為湯所滅。出太史公記。

妲己殷時蘇國之女也。蘇侯獻之於紂。妲己美麗，一咲有百竹種，媚紂，就之不恆。朝政，妲己見喜事，則瞋見惡事，則憐紂。乃鑿銅柱燒使熱，赤令人緣之，人皆患熱墜落火中。妲己見之大咲，用以為樂所。



有諫者皆悉誅之後為周武王所滅出太史公記

褒妣周時褒國之美女也廢人獻於周幽王之耽

之遂逐申后立褒妣為皇后其一咲有百廿種媚

然褒妣非集大眾不咲幽王於是舉烽打鼓

諸侯聞之謂言有賊皆赴殿前王曰無賊欲使

褒妣咲耳如是非一後天戎來伐王使放烽諸

侯謂言無賊凶為褒妣咲也遂於天戎來至

王及褒妣並皆被斃出帝王世記

夏姬周時陳大夫夏御叔之妻姿容甚美御叔

卒夏姬後三為王后七為夫人內之者無不迷惑  
陳靈公与大夫孔寧儀行父共通於夏姬廢失  
朝政夏姬子儼舒遂斂靈公也又申公巫臣盜夏  
姬亡奔晉之人斂巫臣又取夏姬出太史公記

黃公周時齊人也有二女姿艷特特麗絕難匹黃  
公好譏每稱女醜之名遠布過時無有妣者出予文  
子書

陰后字麗華後漢初南陽宛人也后兄名穢為執  
金吾光武布衣時每見執金吾車騎甚盛又聞

麗華豔羨乃嘆曰仕官當得如執金吾娶妻當  
得陰麗華之矣及登位果如所願遂娶麗華為  
皇后出前漢書

西施周時越之美女也越王句踐以獻吳之王夫  
差甚愛幸之西施曾在市人欲見者乃輸金錢  
一文方始得見出吳越春秋及史說

王昭前漢南郡秭歸人也以其端政選入後宮漢元  
帝時宮人美女悉遣工圖畫其形而召幸之昭君自  
以羨麗不求畫工師乃圖昭君為拙昭君於是

見御甚希時元帝与亮奴和親欲嫁宮人与之乃  
者畫圖取其醜者遂召昭君出嫁亮奴及見額  
姿婉麗帝意欲悔以不可追詔遂即遣之昭君  
臨發泣淚作五言詩十二首辭漢帝文多不錄  
出前漢書

冀妻後漢大將軍梁冀妻也甚有美色又多妖  
態能作愁眉涕粧墮馬髻折臂步齧齒笑以為  
媚惑冀甚寵之出梁冀傳

飛鸛姓趙前漢平陽公主家侍者字飛鸛織軟

美麗又善歌舞漢成帝見而悅之乃進入宮後  
偏得幸遂立為皇后出前漢書

馮貴前漢之桓帝貴人也美艷絕雙死後卅餘年  
群賊發其塚見貴人顏色如故賊遂覓奸之鬪爭  
相斃而死出幽明錄

李夫人前漢隴西成紀人也美麗殊絕漢武帝納為  
夫人極蒙寵幸夫人後遇患數日武帝親自臨視  
夫人見帝之來者以被蒙面帝以手撥其被遂  
轉面向壁帝去後其婦謂夫人曰帝自臨病情不

能已夫人將困奈何不以一言囑兄弟乎乃蒙面  
不承帝頽夫人曰帝願我者以我平生自麗今病  
容悴帝若見我當有變棄之心兄弟私得光葆  
身婦伏其言夫人已後帝思念不堪時有方士少  
翁能致其神猶若平生帝豎見夫人在帳內心  
可遙觀而不得出前漢書

江充前漢趙國邯鄲人也初至長安入於漢朝衣  
妙繫單衣步搖冠冕武帝見之曰燕趙故多  
奇士遂拜為太中大夫出前漢書

潘岳字安仁晉時滎陽中牟人也少時挾彈出洛陽道婦人遇者無不連手共縈之後嘗乘車出行群姬爭以菓擲之滿車而歸及与夏侯湛為友相隨而行夏侯湛亦美時人謂之連璧雙珠出晉書

衛玠字叔寶晉時河東安邑人也小時乘白羊於

洛陽市舉市共觀咸曰誰家璧人後玠從豫章還洛之中觀者如堵焉玠先有羸疾而不堪勞遂成病而死時人咸謂者斂衛玠出晉抄

太初姓夏侯名玄字太初魏時人也容自美顯

為黃門侍郎明帝使后弟毛曾与之共坐時人曰  
薰葭倚玉樹也出世說

何晏字叔平魏時南陽宛人也面恒似糝文帝常  
疑之博粉時夏月喚与熱湯餅既噉汗出以朱  
衣拭面轉更鮮潔位至尚書出魏志

韓壽晉時類川人也為太尉掾甚有姿白太尉  
賈充有女在室見壽美麗心欲悅之遂与壽通  
充家有異種香女竊与壽之得帶之又充在充坐  
充恠壽所帶香疑壽与其女通遂打問其婢



之以寶告之亮因以女妻壽出晉抄

叔夜姓嵇名康字叔夜晉時譙國人也為中散大夫但康姿容魁特神明清爽山公曰叔夜為之人也巖之若孤松之獨立其醉也鬼裁若玉山之將崩出晉抄

松和晉時人也容自甚美王右軍見之嘆曰面若凝脂眼如點漆此乃神仙之傳寶難有也出

晉抄

醜人篇第二

昔則嫫母鉅頭願羈無塩戾股亞胷梁冀豺  
目鴛肩周鬻集頭烏喙孟陽頻遭媼凡阮  
女急起夫衣賈鄉善射逢歡駸幾能言  
遇寵蔡澤唐公不相田文趙衆俱嗤敦洽皇  
拙得怜左思容廡被唾

嫫母黃帝時極醜女也鉅額願額形廡色黑  
今之魁頭是其遺像而但有德黃帝納之使  
訓後宮出帝王世家

無塩六國時齊無 邑之女極醜為人長肘

戾股細頸結喉銳頷欠頤亞膏墜肩身  
體枯黑齟齬鼻年過卅行嫁不集時  
齊宣王方置漸臺無塩乃自諶於宣王申  
四殆之說宣王於即傳漸臺罷女樂退讒言  
進直諫即拜無塩為皇后出新序

梁冀字百卓後漢安定人也位至大將軍容皂  
甚陋材目鵞肩官不擇人仍登重職出後漢書  
周鑿後漢人也拙為容皂不可觀採鳥頭折  
頰鳥喙為欠頤但清高敦心方外不以官位存

情唯慕煙霞任誕出後漢書

蓋陽姓張晉時人也每行小兒老嫗皆以凡石  
擲之滿車而返出晉抄

阮女魏時阮伯產之女適與許允為妻一交  
禮訖允永不入桓軌語允去阮女與鄉故當有  
意君宜察之允復強入阮見於婦還即欲出婦  
便執之不放允曰婦有四德鄉具幾荅曰新婦  
所乏唯容耳然士有百行君具其幾荅曰皆備  
婦曰丈夫百行以德為首君好色不好德何

謂皆備允有慙色遂雅相敬重出魏志

賈卿賈國之卿不知其姓名也取婦而美婦恨夫醜三年不言不笑賈卿後與婦御車適野逢見一雉賈攬弓發矢即獲其妻始笑賈卿曰為若夫妻已經三載未嘗見若開顏今者如何輒然笑也妻又言曰前恨若拙是以不言今羨若才是以笑耳夫妻遂亦相敬可謂有才掩於弊也出春秋

駸駸鄙人也叔向適鄭駸駸欲觀叔向從宰夫

收器者而往立於堂下一言而善叔向將飲酒聞  
之曰必驥也下執其手曰素聞君賢無方款叙子  
若不言幾失子矣驥明白拙故云此也出春秋

蔡澤燕人也就魏人唐舉請相舉執視而笑曰先  
生偃鼻展肩顰頰戚顰吾聞人聖不相先生無  
勞相也出春秋後語

田文齊國孟常君也豪俠當世養客數千智策  
謀謨名震諸國後因至趙之人先聞其名覓往  
觀囑乃見其陋陋自拙諸人不覺一時大笑田文乃

怒令士卒擊之盡殪遂即還返出春秋後語  
敷洽魯人也頭黃面黑大額少髮皮膚若沫特  
蒙陳后愛幸比至餘甚雖醜何嫌出康部抄  
左思字泰冲晉時人也嘗戲潘岳遊遨郡姬園  
遠齊共唾之委頓而返出晉抄

肥人篇第三

昔則劉倉要月帶三丈孟業身重千斤滿舊  
遍體膏流趙伯臍臍藏李董卓昭然數日  
趙女嫁易兩夫陳羣馬不能勝庾嵩大車纒段

劉倉後漢明帝同母弟也封為東平獻王倉為人  
豐偉鬢帶十圍帝問之曰在家何等取樂對曰  
為善取樂帝曰其言甚大副其鬢腹也出後漢書  
孟業晉時幽州刺史也為人大肥下官還京晉武帝  
意欲稱之乃作大稱掛於殿壁業入見之曰陛下作  
稱欲何為也帝曰朕聞人重千斤者吉朕欲  
自稱有幾斤業曰陛下正欲稱臣耳無煩聖  
躬於是稱業果行千斤出王隱晉書

蒲蘆山陽人也不知在於何帝為人甚肥每至



夏月膏流墮地有人以器承取用為燈燭出類林  
趙伯姓趙字伯翁不知何時人也為人大肥夏日醉  
卧有數歲孫兒緣其腹戲因以李字八九枚內臍  
臍中後李爛汁出謂言臍濃告家人曰我將死矣  
遂遺勅命爇須臾李板乃出始知孫兒所為出  
啖林

董卓字仲穎後漢隴西臨洮人也獻帝時為太師秉政  
後以謀反被誅曝屍於長安市為人大肥膏流於地  
守屍吏以其臍臍中燃燈光明數日出後漢書

趙女趙伯翁之婦也乃肥於先嫁與王乙氏乙以其  
肥不能獲時遂誣之去無有女身因即放遣更後  
嫁李乙氏乙方始得其女乃知昔日黜退實是  
誣枉出魏志

陳羣字長文魏時潁川人也祖寔太丘長父元方  
冀州刺史著名漢世群魏明帝時為司空為人甚  
肥馬不勝恒乘車上下出魏志

庾嵩字子嵩晉時人也為豫州刺史身甚肥大  
不得乘馬別作大車方始容受出魏志

瘦人篇第四

昔則要離逢風便懼蔡義人扶始行張良每任乘車孔安不勝重服

要離周時吳國人也為性廷峭逢風則懼慎風則伏但有智謀能敏猛夫慶忌出史記

蔡義前漢丞相也為人瘦弱臨朝莅官要領人扶方始能行出前漢書

張良字子房秦時韓人也時秦無道豪傑競起漢高於是聚黨討伐因得張良設策竟定天

下然良性甚瘦弱不能駢乘每在輿中人運後  
於漢高故漢書曰良在帷幕之內決勝千里之  
外也出漢書

孔安性孔安國前漢人也為武帝博士至臨侯  
太子為人瘦弱羸劣少力不勝重勝

### 嗜酒篇第五

昔則陶潛脫巾眷友陳遵拔轄留賓阮籍乞  
作步兵鄒泉求埋窠側馬融一石誦議伯倫五斗  
解醒阮宣杖掛百錢劉表爵為三雅山蘭興便

茗芽管輅醺乃清冷牙返以酒身殂楊雄因醺  
易訖乳群美談糟虎畢卓願柏酒池王忱飲即  
累旬康成恬便三百謝尚著纓趨會周顛帶  
臙連酣張季不慕後名整康玉山任倒

陶潛字淵明宋文帝時人也好慕山水恒處幽林  
以酒暢釋有人就者輒脫葛巾沽酒畜一素  
琴及一醉一撫一柏嘯詠而已出王智深宗書

陳遵字孟公王莽時京兆人也為河南太守會客  
飲酒將酣恐客走避輒令人拔車轄投於井中客

雖欲去而不得也出類林

阮籍字嗣宗晉時陳留人也飲酒至八斗每鹿  
車載酒身居其中使人推之必息之處輒飲至  
醉籍閑步兵厨中守酒三百石遂請為步兵  
校尉文帝許之於是恒与劉伶酣飲厨中籍任  
至東平太守出晉抄

鄭泉字文淵陳郡人也孫權時為太中大夫為  
性好酒乃嘆曰願得三百酖眩酒滿其中以四  
時甘餚置於兩頭安非非在傍隨減隨益方

可是一生耳臨死之日勅其子曰我死可埋於壙之側數百年之後化而成土覬取為酒瓶猴心願矣出  
吳書

馬融字季長後漢扶風茂陵人也飲酒得至一石  
譚道論好未曾差失官至南郡太守出桓譚新論  
伯倫姓劉名洽字伯倫晉時沛國人也為性好酒  
一飲一石醒即復飲終日恒醉其妻涕泣諫曰  
君飲酒太過非攝生之道必宜斷之洽曰甚哉  
我不能自禁唯當咒鬼神曰誓斷之耳可更持酒

將來妻曰敬聞命矣即具於前請泠兒曰天生劉  
泠一飲一石五升解醒婦人之言慎不得聽便執觴  
酣飲已復醉矣其妻愕然無如之何出晉抄

阮宣字子常晉時陳留人也為性好酒不慕榮祿  
每步行以百錢著掛杖頭至酒店上獨酣醪而身錢  
盡歸明日還復然也出

劉表後漢末人也為荊州刺史而甚好酒造其酒  
爵以為三品大曰伯雅中曰仲雅小曰季雅在坐客  
有醉者輒以針刺其面取之虛實出九州記



山蘭字季倫晉時河內人也即是山濤之子為荊  
州時每往峴山就習郁家園池與酒之醉而歸時人  
歌曰山公何所往逕造高陽池日暮倒載歸若行  
無所知時復乘駿馬倒著白接籬舉手語葛疆  
何如并州兒出襄陽記

管輅字公明魏時平原人也年十四飲酒頓傾三升  
神智稱更清辯時瑯琊太守單子春聞其名召  
輅相見欲校論經史輅謂子春曰府君名士加有雄  
貴之姿輅既年少懼失精神請先飲酒三升然

後論說子春即使人酌三升酒与之輅頓飲盡於是唱大論之端列聖稽之首卷對應機人之嘆伏因号為神童出魏志

子返周時楚人也楚莊王攻宋子返為將子返好酒有穀陽人進酒於子之返之飲之大醉莊王臨戰恠子返不出王往帳中見子返醉遂即斂之進酒者非惡子返所謂行小忠是大忠之賊也出韓子

楊雄字子雲前漢蜀郡成都人也為性嗜酒之不離其側但飲酒方始有才而太玄易因酒乃

得成也出前漢書

孔群晉時人也位至鴻臚卿為性好酒王萊相語云  
卿恒飲酒不見酒家覆瓿布淹之日月糜爛群曰  
不尔竊見糟壳和復宜久那嘗与親舊書去今年  
田得七百斛秫未了翅蔓事出晉抄

畢卓字茂世晉時新蔡人也為性好酒每日一手  
持螯螯一手持酒杯泊浮酒池中便足了一生  
可後為吏部郎恒飲酒廢職比舍有郎釀酒始  
熟卓因醉夜至其甕間取酒飲之掌酒者謂是

盜執而縛之其郎往視乃畢吏部也便擇其罽卓  
復引主人飲於甕側取醉而去出晉抄

王忱字仁大晉時人也仕至荊州刺史忱好酒至荊  
州轉甚一飲或累月不醒遂以此死每日三日不  
飲酒便覺形神不復相親也出晉抄

康成後漢北海高密人也姓鄭名玄字康成仕至  
司農後素紹璧玄乃饒之城東欲玄必醉會三  
百餘人雜席奉觴自旦及暮度玄飲三百餘楮  
而玄溫雅之容終日無殆出後漢

謝尚字仁祖宋時陳郡人也位至鎮西將軍豫州  
刺史尚性好酒既送兗至還歸王濛劉恢時正  
興飲使人要尚雖未許然已停車重要便即迴  
駕諸人出門迎之把臂便不纔得脫憤著帽遂即  
酣之醺之過半始覺未脫其纒出

周顛字伯仁晉時汝南安成人也位至僕射恒大飲  
酒嘗經三日不醒時人謂之三日僕射出晉抄

張季姓張字季鷹晉時人也繼任不拘於世時  
人号為江東步兵或謂之曰鄉乃縱適一時獨不

為身後名也  
谷曰使我有身後名不如即時一樽酒  
出晉抄

嵇康字叔夜  
晉時譙國人也  
為性好酒  
傲然自縱  
与山濤阮籍無日不興  
且康美自其醉也  
若玉山之將崩  
出晉抄

別味篇第六

昔則易牙飲潘知淡  
師曠食飯別薪  
張華臨鮪識龍符  
朗飡我鷺達色

易牙周時齊國大夫也  
善能別味  
凡食皆知其本

未飲潘澠二水以為淡於餘水出潁林

師曠周時晉國鄉也晉平公會賜曠御食既食  
曰此必是勞薪為盤平公試問宰之人對云用  
故車脚炊飯出史記世說一云荀勗亦然

張華字茂先晉時范陽人也時有一人饋陸機一  
器鮓嘗之甚美轉餉張司空曰此龍兜也陸  
機未信司空曰以苦酒灌之必當有異便如其言  
即有五色文章陸機問鮓主所得答言家園中  
積稻發而得百魚長三尺遂以為鮓之類故將奉

送果如其言出晉抄

符朗字元達晉時符堅從子為青州刺史善識  
完味食鷲知完白黑之食處雞知栖宿半露之  
處符堅既敗晉遜伐青州朗降於晉既至揚  
都時晉會誓王司馬道子具設江左珍餚與朗

高會因問朗曰關中羨膳若於此朗曰在此塙味  
稍生耳及問宰夫果以生塙作食是時在坐有豪  
俊迭相誇侮歎朗北魯之人朗更倨傲命左右僮僕  
長跪於前張口朗輒遙啣口中遣令送出時人皆伏



之出秦書

祥瑞篇第七

昔則皇帝星垂半月虞舜天出景雲堯王屈軼  
生庭武王赤鳥銜表劉季紫雲縈頂秦獻金雨堯  
陽漢宣鳳集藪邠武帝麟遊妣時穆公雀書  
臧霸呂鑿魚橫應蔡邕和廉俠乘車楊震鯉  
垂講屋

皇帝古者三皇即軒轅黃帝也時有景星出見  
形如半月麟麒麟鳳凰皆遊苑囿洛龜負書而出

河龍銜圖而至此乃德感上天致有斯瑞也出帝王世記及尚書中候也

虞舜即五帝之舜也時有景雲出見景雲者五色雲也見則天下太平出帝王世記

堯主即五帝之堯也時有龍馬銜圖而出鳳凰來降百獸率舞屈軼之草乃生於庭若見倭人來入則便指之以是天下太平擊壤歌路出

太史公記

武王文王之子周武王也將伐紂至於盟津之上有

白魚跳入王舟赤鳥銜芒麥投船太公曰周公  
赤殷尚白之魚入舟獲殷之像及至河陽八百  
諸侯不期而會不謀同辭皆言紂可伐武王後  
果剋紂出帝王世記

劉季字邦秦時沛人也嘗避罪逃山其婦推求往  
之見之季謂婦曰因何數知吾家卷曰君所心愛  
其上每有紫雲豎而往尋以是得知君家又季  
与項羽爭天下范曾謂羽曰吾使人豎劉季之  
氣為龍皆成五色此天子氣也後劉季果為天

子出前漢書

秦獻周時獻公也即位廿年雨金於櫟之陽之秦郡也秦以金德而王致感金之瑞也出太史公記漢宣即漢宣帝也時數有鸞鳳集長安官闕中樹上及在郊藪又南郡來獻白虎出前漢書

武帝即漢武帝也時祠好待乃獲白麟因作白麟之歌又東海獲於赤鴈遂作朱鴈之歌出前漢書

穆公即秦穆公也公時出遊忽聞雷聲有火從

上而下化為白雀口銜丹書集公車上穆公因  
即霸語諸侯也出尚書中侯

呂豎姓羨字子牙殷末東海人也聞文王有德  
而往歸之遂震磻磻之山釣得一魚之腹中有  
玉璜因之為應遂為文王之師也出尚書中侯

鄭和字臣君後漢會稽山陽人也為臨淮太  
守當出行忽有二白鹿俠和車兩相而行郡  
主簿黃國賀曰三公車傍盡作鹿府君必為  
宰相和後果為尚書令出後漢書

楊震字伯起後漢弘農人也震當與諸生講書  
忽有鸛鶴銜鱣魚下講堂前諸生賀曰魚者大  
夫衣服之像數三者三公也先生必爲三公震後  
果爲大尉也出後漢書

怪異篇第八

昔則夏桀大豨河盡殿紂鬼哭山鳴周幽江  
水逆流秦始皇神遺舊壁靈王穀洛相闕昭  
帝京地社移漢景角出獠頭梁孝廷生牛背  
石勒旋風下石齊王產婦截劑任高二女連

甯晉懷雙鷺出陷節伯車飄落濟王莽  
日墜埋光霍禹群屍舞庭武帝死牛能語

夏桀夏王也姓姒名履酷虐望荒不治國  
政將亡之時河水暴竭大豨市中或群豨投  
刺以為恠異遂為殷湯所滅出夏本記

殷紂殷王也姓子字受名太乙荒亂不治國  
政將亡之時伊洛二水竭天雨血石雨鬼哭山  
鳴地陷徹泉兩日竝出及紂避檣雪深一丈  
然紂安然不恐遂為周武王所滅出

周幽周王也姓姬字宮涅將亡之時蜀岷山崩擁江之水遂流數百里李伯陽嘆曰昔伊洛竭而商亡河竭而夏亡今山崩而水遂流亡國之徵也後幽王果犬戎所殺出潁林

秦始皇也姓嬴名政欲崩之時忽有山神賣璧玉遮使者車曰將貴隔池君今年祖龍死忽即不見使者持璧以示始皇皇觀之乃是始皇渡江時所沉之璧始皇惡之其年果崩也出太史公記



靈王周靈王也時穀洛二水相闕將毀王宮王使人壅之太子晉諫不聽王卒壅之周室遂卑為諸侯所侵出國語

昭帝前漢昭帝也元鳳三年長安城南社壞樹一根移在京北陌北社稷移言漢祚移於他姓後為王莽篡之出前漢書

漢景前漢景帝也即伍經於四年長安城門內有猶生角後吳王濞反是其應也出前漢書

梁孝前漢文帝第二子也名武封為梁王  
時贈於梁山有人獻一牛足出背上孝王  
惡之其日即薨今南梁城是也出前漢書  
石勒字世龍晉時上黨武香胡人也後起兵  
逼晉遂稱為帝建平四年天上忽下旋風厲  
地黃塵沛亂隱隱如雷良久風止見一方石  
勒見而惡之俄尔石勒已死出趙書  
齊王晉惠帝之弟名國封為齊王復領大司馬  
時有婦女夜中在司馬門寄產有司逐之婦女

口待我截劑便去時人聞之以不為祥言截齊者截齊王之頭也未經數日齊王坐謀反被誅出晉陽抄

任為晉時蔡縣吏也其妻產出二女兩面相向胷已下至齊相連餘處並皆分別出晉書

晉懷帝也永嘉元年步廣里中地陷之中有二鷲出其一倉者飛去白者不能飛陳留董養聞而嘆曰昔周時所盟會狄泉此地是也倉者胡像胡嘗大感白者金之衰不能

飛去其可盡言之石勒符堅等果王晉漸  
衰也又有桑樹哭其音似解木聲出晉書

白向時鄭莊王也姓姬字寤生鄭伯与齊盟  
于石門既盟而遇大風鄭伯之車被飄落濟水  
出春秋

王莽字臣君初篡三年內池陽縣塚有小人  
影長尺餘或乘車或行操持万物小大各相稱  
三日內有赤氣出東南竟天至地皇始  
日色正黑無光出前漢書

霍禹前漢河東平陽人也是霍光之子漢宣  
帝時為大司馬禹欲謀反其家有鼠白曰志  
出群舞於庭光妻夜夢電在樹上又井水  
洋溢禹意惡之後廷數日其事發覽帝誅  
滅之出前漢書

晉武帝也姓司馬名炎字安世太康元  
年荆川送兩足獼猴塞北有死牛頭能語又  
大鼻能行三百餘步至八年殿前地陷  
方五尺深數丈中有破船木出晉書

瑠玉集卷第十四

用紙二十六張  
天平十九年歲在丁亥三月寫

經籍訪古志

瑠玉集零本二卷

舊鈔卷子本  
尾張真福寺藏

原十五卷見存二十四兩卷每卷首題瑠玉集

卷第幾次行列書篇目界長七寸一分幅六分

弱十四卷末記云用紙一十六張天平十九年歲

在丁亥三月寫文字遒勁似唐初人筆蹟真罕

見之寶笈也但此書未詳撰人名氏其目僅見

見在書目及通志藝文略知其佚已久所引各

書如蔡琰別傳語林史記晉鈔王智深宋書帝

王世紀近多不傳亦得藉此以存其梗概

按天平九年

丁亥唐玄宗之天寶六載也